

---

<b>Vår referanse</b>	2021/47094-4
<b>Dato</b>	17.09.2021
<b>Sakshandsamar</b>	Endre Korsøen
<b>Telefon</b>	917 64 632
<b>Epost</b>	endre.korsoen@vlfk.no

---

Kystverket  
Fiskeridirektoratet Region Vest  
Mattilsynet Region Sør og Vest  
Statsforvaltaren i Vestland


## Blom Fiskeoppdrett AS - Søknad om løyve til utviding av anlegg for oppdrett av matfisk av laks og aure på lokalitet 11652 Kjeppevikholmen i Alver kommune

Vestland fylkeskommune viser til søknad motteke 15.09.2021 fra Blom Fiskeoppdrett AS om løyve til utviding av anlegg for oppdrett av matfisk av laks og aure på lokalitet 11652 Kjeppevikholmen i Alver kommune.

Søknaden gjeld utviding av maksimalt tillaten biomasse (MTB) fra 2340 til 3900 tonn. Søknaden inneber ein auke i MTB på lokalitet Kjeppevikholmen med 1560 tonn. Denne produksjonskapasiteten vert «henta» fra lokalitet 10080 Laksevika i Alver kommune slik at den samla lokalitetsbiomassen i Herdlafjorden ikkje vil auke. Verksemda ønskjer å legge ned lokalitet 10080 Laksevika og flytte lokalitetsbiomassen til lokalitet 11652 Kjeppevikholmen.

Det vert søkt om å få klarert areal for utlegging av ei rammefortøyning beståande av 9 rammer a 100x100 meter, samt fortøyning av ein fôrflåte. Flåten er tenkt plassert på landsida av rammefortøyninga..

Kartet under syner omsøkt plassering av installasjonane og arealplanen.



Det er gjennomført ein forundersøkelse ved lokaliteten i august 2021, og det vil bli utført ei supplerande utgreiing av den omsøkte endringa. Desse rapportane er endå ikkje klare, men vil bli ettersend.

Som bakgrunn for søknaden oppgjev Blom Fiskeoppdrett mellom anna at dei som einaste aktør i Herdlefjorden, i mange år har drifta dei to lokalitetane Laksevika og Kjeppevikholmen. Dei vedvarande utfordingane av drifta innanfor eit militært område gjer at dei ikkje får fornya anlegget ved Laksevika. Den beste måten å sikre drifta i området er difor å slå saman dei to anlegga til eit større anlegg ved Kjeppevikholmen. Nytt anlegg ved Kjeppevikholmen vil bestå av opptil 9 ringar i ei rekke, med ein MTB på 3900 tonn. Den samla MTB i Herdlefjorden vil vera uendra, og det auka anleggsarealet ved Kjeppevikholmen gjer at belastninga vert betre spreidd for å minske fotavtrykket på botn. For ytterlegare detaljar viser vi til søknaden.

I kommuneplanen ligg omsøkt areal for plassering av anlegg og fôrflåte i område avsett til kombinert føremål med akvakultur FEFIAK. Fortøyninga vil delvis gå inn i areal avsett til naturområde mot nord og kombinerte føremål i sjø og vassdrag mot sør. Desse føremålet er ikkje til hinder for naudsynt fortøyning av anlegg for akvakultur.

Tiltaket fell inn under forskrift om konsekvensutgreiingar. Søknaden skal då handsamast etter § 10 i forskrifta. Såkalte vedlegg II-tiltak kan berre påleggast «supplerande utgreiingar» dersom det er venta at tiltaket vil få vesentlege verknader som ikkje allereie er gjort greie for i søknaden.

Fylkeskommunen si vurdering er at miljødokumentasjonen i søknaden gir godt nok grunnlag for å vurdere om tiltaket får vesentleg verknad for miljø og samfunn, jf. vedlegg III i forskrifta. Dersom berørte partar meiner tiltaket kan få vesentlege verknader, og desse verknadane ikkje allereie er tilfredsstillande gjort greie for i søknaden, må dette meldast til fylkeskommunen innan 4 veker etter kunngjering. Vi minner om at det er fagmyndighetene for dei respektive kriteria i vedlegg III som skal vurdere om dei meiner tiltaket kan få vesentlege verknader innanfor sitt område og eventuelt melde dette inn til fylkeskommunen. Det skal konkretiserast kva forhold som bør utgreiast nærmare.

Vestland fylkeskommune har send søknaden til Alver kommune for uttale, og offentleg ettersyn. Uttale frå kommunen vedlagt eventuelle merknader frå kunngjeringa vil bli ettersend.

Ein ber Dykk handsame/vurdere søknaden frå Blom Fiskeoppdrett AS etter gjeldande særlover/andre interesser og returnera avgjerala/uttalen til vårt kontor. (jf. *Forskrift om samordning og tidsfristar i handsaming av akvakultursøknader § 4*).

Dersom noko er uklart i samband med handsaming av søknaden, ber vi om at De tek kontakt.

Endre Korsøen  
seniorrådgjevar

Brevet er godkjent elektronisk og har derfor ingen underskrift.

Kopi: Blom Fiskeoppdrett AS